



Čestit i veseo Božić!



Biblijska priča o rođenju Isusa!



Čestit i veseo Božić!

– Biblijska priča o rođenju Isusa!



Naslovna strana: Barbara Meinel Jacobs

Likovni radovi: Fleur Celeste/ Naomi

*Napisala: Chariane Quile, istinita priča o rođenju Isusa Krista
preuzeta iz Biblije*

www.nurture-inspire-teach.com m




Bog je izabrao mladu ženu po imenu Marija da postane majka posebnom djetetu - neko ko će pokazati ljubav Božiju ljudima na zemlji.

Bog je, po svom glasniku, poslao Mariji poruku o djetetu koje će roditi.




Arhanđeo Gabrijel je rekao Mariji da Bog stvara prema svojoj volji i da će se dijete zvati Isus.

On je Sin Božiji. Marija povjerova onome što joj je Gabrijel rekao i složi se sa planom koji je Bog za nju pripremio.




Josip, po struci stolar, volio je Mariju i želio se njom oženiti. Živjeli su mjestu po imenu Nazaret. Marija i Josip su se dobro brinuli o Isusu, Sinu Božijem, dok je odrastao na zemlji.



Arhanđeo Gabriel se ukazao i svećeniku po imenu Zaharije, dok je obavljao molitvu, obavijestivši ga da će njegova žena, Elizabeta, konačno roditi dijete.

Zaharije se veoma iznenadio dolasku anđela, a još više i poruci koju mu je prenio. Osim što su bili stariji ljudi, Bog je učinio čudo poklonivši im dijete.



Marija je otišla u posjet svojoj rođaci Elizabeti. U trenutku kada ju je pozdravila, dijete u Elizabetinoj utrobi se pomjerilo i poskočilo.

Dijete u njenoj utrobi se toliko uzбудilo kada je čulo glas Presvete Bogorodice, majke Sina Božijeg.



Uskoro se Zahariji i Elizabeti dijete rodilo. Nazvali su ga Ivan Krstitelj, upravo onako kako je od njih anđeo i tražio.

Kada je Ivan Krstitelj odrastao, dužnost mu je bila obavijesti ljude o Isusu Kristu, Sinu Božijem, pripremjući ih za Njegov svečani dolazak.



Anđeo se pojavio u Josipovim snovima, obavijestivši ga da je dijete koje je Marija nosila Isus Krist, Sin Božiji. Tražio je od Josipa da se dobro brine o Mariji i djetetu.



U vrijeme kada se Isus trebao roditi, novi zakon je zahtijevao, od svakog pojedinca, povratak na kućno ognjište radi plaćanja poreza i registracije.

Josip i Marija napustiše to mjesto, te se zaputiše u pravcu Betlehema.



Nakon što su stigli u Betlehem, potražiše prenočište, ali sve sobe za iznajmljivanje su bile popunjene.

Jedino mjesto u kojem su mogli prenoćiti bila je štala, gdje su smještene životinje.




Josip i Marija su bili sretni što su pronašli prenoćište. To je sve bio dio Božijeg plana - skromno mjesto za rođenje Njegovog Sina.

Iako Isusu nije rođen u bogatstvu, Bog se dobro brinuo o njemu i njegovoj skromnoj porodici koja ga je beskrajno voljela.



Te noći, Isus se rodio u štali! Josip se veoma trudio da Mariji i djetetu učini boravak u štali ugodnim. Napravio je male jaslje od slame u koje je položio Isusa.

Isus je božićni poklon svim ljudima na zemlji - dijete koje će odrasti i prenijeti svijetu Božju poruku ljubavi.



Noć u kojoj se Isus rodio je prva božićna noć na zemlji! Nebeski anđeli su spremili veliku proslavu kojom su označili rođenje Isusa, Sina Božijeg. Neki pastiri, sa obronaka koji okružuju Betlehem, doživješe veliko iznenađenje!



Glasnik Božiji se pojavio pred njima rekavši im sretne vijesti - Isus, Sin Božiji, se rodio u štali i spava u jaslama!



U tom trenutku, okupilo se mnogo anđela koji su pjevali: „Slava Bogu na najvišem! Mir na zemlji ljudima dobre volje!“.

Pastiri se veoma obradovaše čuvši te velike vijesti, a kada su anđeli otišli, krenuli su potražiti dijete po imenu Isus.




Kleknuli su pored malog Isusa, odavši mu poštovanje i zahvalnost Bogu, što je poslao Svog Sina na zemlju.

Zatim su pastiri, ljudima u okolini, saopštili vijesti o rođenju Isusa! Svi su se tome veoma obradovali!




Daleko od tog mjesta, živjeli su mudri kraljevi koji su izučavali zvijezde.


Jednog dana, zapazili su posebnu zvijezdu na nebu, zvijezdu koja je označila rođenje novog kralja - posebnog kralja.



Kraljevi poželješe odati počast najboljem Vladaru svih vremena, te izabraše za Njega najbolje poklone. Spremshe se za puta, ostavljajući iza sebe svoja kraljevstva, te krenuše u potragu za malim Isusom, novim kraljem.



Putovali su sve dalje i dalje, čvrsto odlučivši pronaći Isusa. Posebna zvijezda na nebu vodila ih je do tog mjesta.




Zvijezda se nalazila tačno iznad mjesta na kojem su bili Marija, Josip i mladi Isus.

Kraljevi su se veoma obradovali vidjevši to! Napokon su pronašli Isusa.



Ušavši u kuću mudri kraljevi kleknuše,
odavši počast Sinu Božijem. Ponudili su
Mu poklone koje su donjeli: zlato,
tamjan i miru.



Danas možemo pokloniti Isusu,
najbolji poklon ikada, podijelivši ljubav
Njegovu sa drugima.

Pričajući drugima priču o prvom
Božiću, o Isusu koji je sišao na zemlju,
kako bi nas zaštitio i kako bi nam
oprostio i kako bismo, jednoga dana,
popeli se u Nebesko Carstvo, čini Isusa
veoma sretnim!



Izgovori malu molitvu da bi od Isusa dobio poklon vječnog života sa Njim! On te voli!

Dragi Isuse,

Hvala ti što si sišao na zemlji prije toliko vremena, kako bi nam donio ljubav i oprost. Volio bi da mi oprostiš loša dijela koja sam počinio.

Molim Te, ispuni mi srce ljubavlju Tvojom i pomoz mi da uradim stvari, koje će Te učiniti sretnim.

Jako sam sretan što ćeš me voljeti do vječnosti - i zato što vjerujem u Tebe, vječno ću živjeti u Nebeskom Carstvu sa Tobom!